



COMUNU DE CERÀXIUS

Provìntzia de Casteddu

Ufìtziu de su Segretàriu Generali

Avisu pùblicu de consultatzioni po sa presentada de propònnidas e arrexonus cun tareas de sa arricidura de su Pianu po sa Prebènnida de su Corrupimentu e sa Trasparèntzia po su triènniu 2021-2023.

Biu s'artìculu 1 comma 8 de sa Lei 6.11.2021, n. 190, cunforma a cussa is Comunas, aintru de su 31 de Gennàrgiu 2020, depint impreai, cun deliberatzioni de sa Giunta Comunali, su pianu Triennali po sa Prebènnida de su Corrupimentu e po sa Trasparèntzia po su triènniu 2021/2023.

Abetau chi, cusiderendi s'emergèntzia sanitària de Covid-19, su Cunsillu de sa Autoridadi Natzionali Anticorruptimentu in sa setziada de su 2 de su mes'e Idas 2020 at cunsiderau profetosu perlongai a su 31 de martzu 2021 su trèmini ùrtimu po sa apariciadura e sa publicatzioni de is Pianus Triennalis po sa Prebènnida de su Corrupimentu e sa Trasparèntzia 2021-2023.

Abetau chi su Pianu Natzionali Anticorruptimentu, aprovau de sa CIVIT (oi ANAC) cun deliberatzioni n. 72 de su 11/09/2013 e is adelantamentus sighidoris aprivaus de su ANAC, s'ùrtimu cun sa deliberatzioni n. 1064 de su 13/11/2019, previdint, in sa fàstias de apariciadura e arricida de su Pianu, su càstiu e s'imbordigamentu prenu de totus is sugetus de s'Aministratzioni e de is stakeholder de aforas (impreadoris, assòtzius de is consumidoris, ecc), chi podint offerri unu agiudu cun su puntu de càstiu cosa insoru e s'esperientzia insoru, cun sa tarea de amellorai sa trassa intrea de prebènnida de su corruptimentu.

Bia sa Delibera de Giunta Comuanali n. 18 de su 31 de gennàrgiu 2020, chi at aprovau su Pianu Triennali po sa Prebènnida de su Corruptimentu e po sa Trasparèntzia vigenti imoi,

Abetau chi si depit sighiri a innantis cun s'adelantamentu de su Pianu vigenti cun sa tarea de s'arricidura de su Pianu Triennali po sa Prebènnida de su Corrupimentu e po sa Trasparèntzia po su triènniu 2021/2023 castiendi, in prus chi is apretus de aconciadura ocasionaus de su cuntestu de aintru e de aforas, de is indiritzus donaus de su ANAC cun deliberatzioni n. 1064 de su 13/11/2019 e de s'agiudu chi ant a bolli offerri is sugetus de aforas.

SI CUNSILLAT

*a is Tzitadinus, a is Organizatzionis Sindacalis, is Assòtzius de is consumidoris e impreadoris, is Òrdinis professionalis e imprenditorialis, is liadoris de interessus spratzinaus e, in generali, totus cussus sugetus chi gosant de is atividadis e de is servìtzius donaus in su territòriu de custu Comunu, a fai lompì propònnidas e càstius apitzus de su Pianu vigenti po sa Prebènnida de su Corrupimentu e po sa Trasparèntzia po su Triènniu 2020-2023 - **aintru de is oras 13,00 de sa dìi de su 5 de friàrgiu 2021.***

Is propònnidas e/o arrexonus ant a podi èssiri entregaus a sa Segreteria Generali imperendi:

- curreu eletrònicu a s'indiritzu: davide.maullu@comune.selargius.ca.it;*
- curreu eletrònicu certificau a s'indiritzu: protocollo@pec.comune.selargius.ca.it;*
- entrega anca s'ufitziu Protocollu Generali, chi est in sa Bia Istria 1 in Ceràxius, scriendi in s'ogetu "Osservazioni e/o proposte per l'aggiornamento del Piano Triennale per la Prevenzione della Corruzione e per la Trasparenza 2020/22 del Comune di Selargius"*

Alliongiaus:

- Mòdulu po sa presentatzioni de is arrexonus;*
- Pianu Triennali po sa Prebènnida de su Corrupimentu e sa Trasparèntzia 2019/2021.*

Ceràxius, 21 de gennàrgiu 2021

*Su Responsàbili de sa prebènnida de su
corrupimentu de su Comunu de Ceràxius
(Dot.ssa Carla Sesta)*